

Per persunas d'instrucziun, mainascolas e cussegls da scola



Nr. 3 2018/19

Part generala

Meds d'instrucziun Medias & Informatica (MI)

Per l'instrucziun cursorica en medias & informatica en la 5 e 6avla classa è planisà da translatar in med en talian e rumantsch. Probablmain cumparan quests meds sin l'entschatta da l'onn da scola 2020/21.

Scolas en in mund digital

L'uniun tetgala da la Magistraglia Svizra (MCH) ed il «Syndicat des Enseignants Romands SER» han publictà communablmain ina posiziun tar «Scolas en in mund digital». La posiziun profunda la dumonda, tge tgi dovra, per che tecnologias e medias digitalas san purtar a la scola ina plivalur.

[Posiziun MCH / SER](#)

«educa.Biblio» cun nov design

La plattform educa.Biblio per nizzegiar resursas electronicas en il camp d'instrucziun ed emprender ha survegni in nov design ed novas funcziuns. Il layout è vegnì optimà per duvrar cun apparats mobils ed er las ulteriuras funcziuns da retschertga, p.ex. tar il plan d'instrucziun 21, pussibilteschans ina retschertga svelta da resursas da tuttas sorts (dossiers, films u fegls da lavur etc.).

[educa.Biblio](#)

Liquidaziun da «educanet2»

Dapi l'introducziun d'educanet2 ha la purschida da platta-

furmas per collavuraziuns sa sviluppada fitg. Quai cun la consequenza che bleras scolas applitgeschan oz tut autras schliaziuns digitalas. «Educa.ch» ha decidì d'abolir la plattform educanet2 per ils 31 da december 2020. Sin la pagina web vegn cuntinuadamain infurmà sur da sustegns pussaivels e mesiras planisadas.

[educanet2.ch](#)

Med d'instrucziun pedagogia speziala

La centrala interchantunala per meds d'instrucziun CIMI sa deditgescha en la gasetta «ilz.fokus» Nr. 6 / November 2018 al tema «meds d'instrucziun en la pedagogia speziala». Latiers vegn tractà l'impurtanza dals meds per realisar il PI21 en la pedagogia speziala. I vegnan formulads tranter auter principis per la promoziun da scolaras e scolaras cun basegns da promoziun u er tals cun difficultadas d'emprender sco era directivas per meds d'instrucziun adattads per emprendiders cun basegns spezialas. Talas persunas san nizzegiar las infurmaziuns sco material supplementar per l'agen diever e per reflectar l'atgna pratica actuala. I resta il pensum principal da la pedagoga curativa d'adattar il material d'instrucziun al basegn dals uffants cun basegns spezialas. Ella sa era en atgna cumpetenza metter ensemen material d'instrucziun adattà.

[ILZ \(CIMI\) Fokus](#)

«Project Tasks New World 3-5»

En il med d'instrucziun d'englais New World èn ils Project Tasks in element central per terminar ina unit. Chantal Villiger, scolasta superiura a Landquart e commembra da la «gruppa accumpagnanta englais stgalim sec I», profun-

descha en in discurs cun la redacziun da la gasetta «Rundgang» l'utilisaziun pussaivla. Quel artitgel sco era il feigl d'infurmaziun «instrucziun englais stgalim sec I» chattais sin nossa pagina web.

[Project Tasks e feigl d'infurmaziun](#)



Gruppa accompagnanta talian stgalim primar

La gruppa accompagnanta talian stgalim primar ha en sia davosa seduta actualisà ils stadis intermediars per ils meds «Grandi amici» und «Amici d'Italia»:

Stadi intermediar:

- 5avla classa: Grandi amici 2, Unità 6 – 7
- 6avla classa: Amici d'Italia 1, Unità 2, p. 31

En la definiziun da la situaziun actuala sa chattan era las finamiras per la fin da l'onn da scola sco era ulteriuras indicaziuns didacticass.

[Definiziun situaziun actuala talian stgalim primar](#)



Dieta da linguas 2019 – preannunzia

La «Gruppa coordinatura linguas Svizra tudestga» e la «Gruppa da lavur linguas da la CDEP-T» organischa ils 23 da mars 2019 a la scola auta da pedagogia Turitg la dieta da linguas cun il tema «promoziun da las cumpetenzas en il linguatg da scola en tut ils roms». Referats d'entrada dattan als participants ina survista da la situaziun da la savida e da la perscrutaziun actuala. Latiers vegnan purschids ateliers specifics als stgalims per sa profundar en la materia e per transponer en l'atgna pratica.

L'annunzia è pussaivla a partir dal schaner 2019.

[Dieta da linguas 2019](#)



Servetschs da translaziuns per discurs cun geniturs

Tar discurs impurtants è in buna chapientscha linguistica indispensabla. En cas da basegn porscha «Verdi» a las scolass servetschs da translaziun professiunals. Ulteriurs manuals ed agids chattais era tar «Interpret».

[Verdi](#)



[Interpret](#)



Curs swch 2019 a Cuira

Ils curs da stad interchantunals da «Scola e perfecziunament en Svizra» han lieu a Cuira dals 8 en fin 19 da fanadur 2019. Radund 180 curs da perfecziunament cun temas actuals da scola stattan a disposiziun. S'annunziar sa ins per dalunga online.

[swch.ch](#)



Mutaziuns inspecturat da scola

Suenter 29 resp. 19 onns d'uffizi en l'inspecturat da scola van ils manaders districtuals Josef Willi e Pauli Dosch per la fin da fanadur 2019 en lur pensiun bain meritada. Per lur gronda lavur e ferm engaschament cun gronda passiu e previsiun per in buna scola grischuna meritan els gia oz in ferm grazia fitg.

Lur funcziun sco manaders districtuals vegnan surpigliads cun l'entschatta dal onn da scola 2019/20 da Christina Nigg (District Plessur - Grischun central) e da Adrian Graf (District Val dal Rain-Partenz-Tavau).

Philipp Hugentobler, mainascola e scolast en il consorzi da scola Val Schons, sco era Robert Cantieni, mainascola a Cuira, è vegnids elegids sco novs inspecturs da scola ed entran en uffizi cun l'entschatta dal nov onn da scola en ils districts I resp. II.

Cun salids amicabels

Andrea Caviezel, manader inspecturat grischun

Part regionala

Termins

Realisaziun dal Plan d'instrucziun 21 GR:

Furmaziun Didactica ed organisaziun da las 3. classas dal stgalim secundar I

Scola / purtader da scola	Lieu dal curs	Data
Arosa, Vaz	Jenaz	Sonda, 30 da mars 2019
Cazas, Tumleastga, CS Panaduz-Razén, CS Tumleastga Dadens, CS Val Alvra, CS Valragn, CS Val Schons, Surses, Tusaun, Scola-dimora Scharàns, Nido del Lupo	Cazis	Sonda, 18 da matg 2019
Cuira, Curvalda, Chasa da terapia Fürstenwald, Nova scola dal di Cuira	Cuira	Sonda, 25 da matg 2019

En las proximas emnas retschaivan las scolass in'invitaziun cun il program dal di da l'inspecturat da scola regional.

Cun salids amicabels

Pauli Dosch, manader

Inspecturat districtual Plessur-Grischun central

